

MUNISIPALITEIT BEAUFORT-WES

Kennisgewing nr. 143/2005

Die Raad van die Munisipaliteit van Beaufort-Wes publiseer die onderstaande verordening met betrekking tot die parkering van voertuie op openbare paaie vir algemene kennisname.

VERORDENING INSAKE DIE PARKERING VAN VOERTUIE OP OPENBARE PAAIE

Inleiding

Aangesien die Munisipaliteit van Beaufort-Wes ingevolge die Grondwet van die Republiek van Suid-Afrika (Wet 108 van 1996) wetgewende bevoegdheid het

EN AANGESIEN die Munisipaliteit die reg het om sy eie verordeninge insake die parkering van voertuie op openbare paaie te bepaal;

Verorden die Munisipaliteit van Beaufort-Wes soos volg:-

1. **Woordbepaling**

Tensy onbestaanbaar met die sinsverband, beteken:-

“ligte voertuig” enige tipe self aangedrewe voertuig met `n bruto voertuigmassa van minder as 3500Kg en minder;

“munisipaliteit” die Munisipaliteit van Beaufort-Wes

“openbare pad” `n pad, straat of deurgang of enige ander plek (hetsy `n deurgang al dan nie) wat gewoonlik deur die publiek of 'n deel daarvan gebruik word, of waartoe die publiek of 'n deel daarvan `n reg van toegang het en sluit dit in—

- (a) die padoppervlak en die soom van so `n pad, straat of deurgang;
- (b) `n brug, pont of drif waaroor so `n pad, straat of deurgang loop, en
- (c) enige ander werk of voorwerp wat deel vorm, in verband staan of behoort aan so `n pad, straat of deurgang;

“padoppervlak” daardie gedeelte van `n pad, straat, of deurgang wat verbeter, gebou of bedoel is vir voertuig- of voetgangerverkeer en sluit dit in die skouer van die pad, en enige randsteen, soom of sypaadjie;

“padreserwe” die gedeelte van `n pad, straat of deurgang wat nie die padoppervlak insluit nie, en

“raad” die raad van die munisipaliteit;

“**verbode voertuig**” `n voertuig met `n bruto voertuigmassa van 3500kg of meer; `n sleepwa; boot, hetsy dit op `n sleepwa is, aldan nie; `n houer van enige aard, hetsy dit op `n sleepwa is, al dan nie, en sluit dit ook in `n woonwa, implement of `n wa of kar wat deur diere gesleep word.

2. Bepanking op parkering op openbare paaie

- (1) Niemand mag `n verbode voertuig tussen 20h00 en 06h00 op `n openbare pad parkeer nie—
 - (a) behalwe met die skriftelike toestemming van die Direkteur: Verkeersdienste, en
 - (b) anders as in ooreenstemming met die voorwaardes wat deur die Raad bepaal is.
- (2) `n Persoon aan wie toestemming ingevolge subartikel (1) verleen is, moet sodanige toestemming op die verbode voertuig vertoon in ooreenstemming met die voorwaardes wat deur die Raad bepaal is.

3. Bepanking op parkering in padreserwes

- (1) Niemand mag `n ligte voertuig of `n verbode voertuig in `n padreserwe parkeer nie, behalwe—
 - (a) waar parkering deur `n padverkeersteken deur die Direkteur: Verkeersdienste opgerig, gemagtig word, of
 - (b) met die skriftelike toestemming van die Direkteur: Verkeersdienste, en
 - (c) anders as in ooreenstemming met die voorwaardes wat deur die Raad bepaal is.
- (2) `n Persoon aan wie toestemming ingevolge subartikel (1) verleen is, moet sodanige toestemming op die ligte voertuig of verbode voertuig vertoon in ooreenstemming met die voorwaardes wat deur die Raad bepaal is.

4. Strafbepaling

`n Persoon wat `n bepaling van hierdie verordening oortree of versuim om daaraan te voldoen, is skuldig aan `n misdryf en by skuldigbevinding strafbaar met `n boete.